



Autor ovog priloga je poznati bihački profesor ekonomije. Više od pet godina je aktivni participant Partnerske grupe koja promovira Koncept „Unaprijedimo Kladašu zajedno“. Učesnik je Okruglih stolova koji se organizuju po specifičnim temama fokusiranim na Koncept.

u kojoj će u početku biti zaposleno 25 žena. Tu je i start – up program za mlade u koje će se podržati financiranje najmanje tri poslovne ideje mladih.

„Agrokomerc“ je klinički mrtav, „Agrofenix“ je umro u ideji, a hladnjača, sufinancirana programom USAID – Farma nije zamjena.

Međunarodna zajednica putem svojih agencija USAID, CSSP, CPCD izdvaja bespovratna sredstva za jačanje lokalnih resursa iz preduzetništva (Farma II, Strategija ruralnog razvoja, European Fond for Balkan. U pribavljanju sredstava iz ovih izvora zapažena je aktivnost „Krajiška pčela“. (više: R. Hirkić „Tefer“ 376). U općinskoj administraciji zaposleno je oko 100 činovnika posla. U odnosu na broj stanovnika shodno svjetskom standardu broj

zaposlenih trebao bi se smanjiti za 40%. Općinska uprava mora postati istinski uslužni centar građanima i društvu. Prevashodan cilj je učinkovita, nepristrasna i profesionalna javna uprava. U BiH zvanično na različitim nivoima postoji 561 naknada i taksa. Registar neporeskih prihoda koje naplaćuju institucije u našoj zemlji usvojen je 2016. godine i sadrži 203 neporezna prihoda koje pravna i fizička lica plaćaju prema institucijama BiH u vidu administrativnih taksi i drugih naknada. U Federaciji BiH u prosjeku egzistira 198 različitih naknada i taksi, od čega se 95 naplaćuje na federalnom nivou, 77 u prosjeku na nivou kantona, a 26 različitih taksi i naknada u prosjeku naplaćuju općine. Prema istraživanju CCI na zarađenu marku poslodavac državi kroz poreze mora dati 70 feninga + dodatnih 10 feninga kroz parafiskalne namete, kraće rečeno na zarađenu marku poslodavac državi daje 80 feninga.

Lokalna samouprava koja ispuni BFCSEE standard dobija certifikat koji investitorima predstavlja pečat kvaliteta i dokaz da će u ovoj sredini naći predvidivo poslovno okruženje u skladu sa najvećim međunarodnim standardom, učinkovite procedure, kvalitetne baze podataka i pouzdane usluge. Ovaj program certifikacije omogućava pokaz investicionih mogućnosti, infrastrukture, usluga i informacija koje se nude eventualnim investitorima i postojećem gospodarstvu. Partnerska grupa za društvena kretanja „Unaprijedimo Kladašu zajedno“ (Bilten 1 – 7), „Kladaša je naša“ i relevantni autori okupljeni oko portala „ReprezenT“ sustavno analizira političku, socijalnu i ekonomsku situaciju u Velikoj Kladaši.

Hasan ZULIĆ,
zulic.hasan@bih.net.ba

Društenopolitička situaciju u Vel. Kladaši polovinom 2018.

Smještaj migranata “među rakite” je sramotan



Migranti u Kampu u Velikoj Kladaši žive u neljudskim uslovima

Koncem aprila ove godine u okviru projekta „Kritički osvrt na situaciju u Velikoj Kladaši“ publikovana je tema sličnog naziva koja je malo opširnije obradila zbivanja u bajkovitoj Čaršiji tokom zadnja dva mandata sa ponekim osvrtom na mandat aktuelne lokalne vlasti i njihovih lidera tokom 2017. Ovaj prilog je nastao iz dva (ne)planska razloga, i to (1) ambiciozan Program rada Općinskog vijeća za ovu godinu i (2) pogoršana agonija izbjeglica - migranata koji su polovinom 2018. dosegli brojku oko 3% stanovništva općine (oko 1.200 osoba).

Autor je metodom „cross cutting“ (markantni primjeri-slučajevi...) uvjerljivo i vjerodostojno prezentovao situaciju kao veoma poučnu za buduća vremena!

Društveno političku situaciju na području Velike Kladaše polovinom ove godine dominirajuće kreiraju vanjski utjecaji iz okruženja kao svojevrсни izazovi-prijetnje s jedne strane, te nosioci mandata, oko 270 narodnih izabranika, (poslanici, vijećnici, članovi savjeta mjesnih zajednica, članovi džematskih odbora, članovi Međžlisa...) svojim interakcijskim neadekvatnim (ne) djelovanjima, s druge strane. Nesporazumi unutar

staklene većine u Općinskom vijeću (dva smokvina lista-prebjega „iskočili“ iz netransparentne koalicije) rezultirali su „blokadom“ rada ovog Senata što je u konačnici dovelo u pitanje predviđeno terminsko ostvarenje Programa rada za ovu godinu.

Najezda i zaglavljivanje više stotina izbjeglica- migranata sa Bliskog Istoka i Sjeverne Afrike na području Velike Kladaše uzdrmali su „rahatluk“ i objektivno povećali rizike svih vrsta.

Neopravdana kašnjenja sa adekvatnim akcijama-reagovanjima centralnih vlasti bh države rezultirala je povećanjem ukupnog nezadovoljstva građana općine. Načelnik i Općinsko vijeće nisu blagovremeno „proglasili vanredno stanje“ i shodno tome na ljudski način čitavu „priču“ oko izbjeglica- migranata postavili na centralno mjesto kako bi se stvorile minimalne neophodne pretpostavke za uspješnije djelovanje svih sudionika. Stvorena je konfuzna izbjeglička agonija kojom se krše ljudska prava i generiše kriza humanizma. Lokalna vlast je blagovremeno i korektno tokom februara 2018. pismeno obavijestila nadležne bh organe o izbjeglicama i mogućim komplikacijama.

nastavak na narednoj strani